



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-514/09
Sarajevo, 3.3.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04.03.2009			
Organizaciona jedinica	Klasifikaciona oznaka	Redni broj	Broj priloga
01-50-1-15-44/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 78. sjednici održanoj 26.2.2009. godine, utvrdilo je Odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 44. sjednici ovog doma održanoj 21.1.2009. godine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-514/09
Sarajevo, 26.2.2009. godine

Husein Nanić, poslanik u Predstavničkom domu Parlamentarne skupštine Bosne i Hercegovine, na 44. sjednici Predstavničkog doma održanoj 21.1.2009.godine, postavio je slijedeće poslaničko pitanje:

„Privremenim Sporazumom o stabilizaciji i pridruživanju, tačnije čl. 71. st.4. Sporazuma, utvrđena je obaveza BiH da ustanovi samo jedno operativno tijelo koje će imati između ostalog ovlasti da odobrava programe državne pomoći ili potpore i to isključivo na nivou BiH uz napomenu da u svim državama u okruženju i članicama EU, državne potpore su u nadležnosti jednog tijela i na nacionalnom, dakle državnom nivou. Iako je ministarstvo uspostavilo radnu grupu za izradu zakona o sistemu državnih potpora u novembru još 2006.g., dakle radi već više od dvije godine, ista nije utvrdila tekst nacрта tog zakona. Istovremeno, Vlada RS je prošlog mjeseca utvrdila Nacrt zakona o državnoj pomoći, čime se ruši jedinstven ekonomski prostor u BiH, šalju negativne poruke Evropskoj komisiji i mogu se ocijeniti kao nepoštivanje međunarodnih obaveza preuzetih od strane BiH, što može imati određene posljedice na kredibilitet i stvarnu mogućnost državnih institucija da ispunjavaju preuzete obaveze.

Zbog toga pitam ministra, šta će poduzeti da se navedene aktivnosti jednog od entiteta zaustavi i da se preventivno djeluje na moguće nastajanje sličnih problema u drugim oblastima koje proizilaze iz obaveza u Ugovoru o stabilizaciji i pridruživanju, jer je izrada ovog zakona samo jedna od obaveza iz tog Sporazuma“.

Na postavljeno poslaničko pitanje, Vijeće ministara Bosne i Hercegovine je na 78. sjednici održanoj 26.02.2009. godine, utvrdilo slijedeći

ODGOVOR

Rješenjem Ministra Ministarstva spoljne trgovine i ekonomskih odnosa BiH broj: 07-34-10723/06, od 06.09.2006. godine, kao i nakadno izdatim Rješenjima iz 2006, 2007 i 2008 godine, formirana je Radna grupa za izradu Nacrta Zakona o državnoj pomoći BiH, u koju su ušli predstavnici nadležnih državnih i entitetskih institucija (Ministarstvo spoljne trgovine i ekonomskih odnosa BiH, Direkcija za evropske integracije BiH, Konkurentski savjet BiH, Ministarstvo pravde BiH, Ministarstvo finansija i trezora BiH, Ministarstvo finansija FBiH, Ministarstvo energije, rudarstva i industrije FBiH, Ministarstvo za ekonomske odnose i koordinaciju RS i Ministarstvo finansija RS). Pomoć u izradi Prijedlog zakona, Radnoj grupi je pružena projektom Evropske unije „Podrška za konkurenciju i državnu pomoć u BiH“.

U toku izrade radne verzije Zakona o sistemu državne pomoći u BiH, razrađena su četiri glavna elementa državne pomoći od kojih za tri postoji saglasnost unutar Radne grupe, dok kod jednog ima različitih mišljenja. Saglasnost unutar Radne grupe za izradu navedenog zakona postoji kod:

1. **Prikupljanje podataka o državnoj pomoći u Bosni i Hercegovini uključujući prikupljanje i obradu podataka o državnoj pomoći na nivou entiteta i Brčko Distrikta i depozitiranja podataka o državnim pomoćima u BiH.** Funkciju depozitara jedinstvene baze podataka o državnim pomoćima bi vršilo Ministarstvo finansija i trezora BiH uz koordinaciju sa nadležnim entitetskim ministarstvima finansija i Brčko distriktom, dok bi prikupljanje i evidentiranje podataka o državnim pomoćima vršila nadležna entitetska ministarstva finansija i Brčko distrikta, uz donošenje usaglašenih propisa na nivou entiteta i Brčko distrikta o modelima prikupljanja i prosljeđivanja podataka nadležnim institucijama BiH.
2. **Međunarodno izvještavanje u skladu sa obavezama koje ima BiH prema CEFTI, EU i WTO.** Ovu funkciju bi vršilo Ministarstvo spoljne trgovine i ekonomskih odnosa BiH.
3. **Koordiniranje i pregled politike državne pomoći.** Funkciju koordinacije bi vršio Koordinacioni odbor za ekonomski razvoj i evropske integracije BiH.

Kod 4. elementa - Kontrola državne pomoći u Bosni i Hercegovini, uključujući odobravanje državne pomoći, pregled postojećih oblika državne pomoći i posebne istrage o državnoj pomoći ne postoji puna saglasnost, odnosno članovi Radne grupe iz državnih institucija i entiteta FBiH su mišljenja da ove poslove treba da obavlja Konkurencijski savjet BiH, dok su članovi Radne grupe iz entiteta RS mišljenja da kontrolu državne pomoći vrše entiteti s tim da Konkurencijski savjet BiH ima ulogu koordinacije.

Ministarstvo spoljne trgovine i ekonomskih odnosa BiH odnosno Ministar će u skorijem periodu još jednom sazvati Radnu grupu za izradu Prijedloga zakona kako bi se utvrdilo da li je moguće da članovi Radne grupe postignu saglasnost oko cijelog teksta Zakona, kako bi nakon toga Radna grupa pripremila konačnu informaciju prema ministru, čime bi se okončao rad Radne grupe.

Ukoliko i dalje ostane neslaganje unutar Radne grupe, Ministar će pokrenuti aktivnost političkog usaglašavanja oko dijela Prijedloga zakona (kontrola državne pomoći) sa političkim predstavnicima entiteta, kako bi se usaglasio tekst Zakona o državnoj pomoći BiH i uputio u proceduru usvajanja, da bi se ispoštovao rok usvajanja Zakona – juni 2010. godine.

Ministarstvo spoljne trgovine i ekonomskih odnosa nema ustavnu nadležnost da pokrene proces zaustavljanja aktivnosti donošenja zakonskih rješenja u entitetima, tako da je jedina mogućnost koja se može primjeniti u ovom i sličnim slučajevima koordinacija aktivnosti kako bi se zajedničkim usaglašavanjem ispunile obaveze BiH predviđene međunarodnim ugovorima, između ostalog i Sporazumom o stabilizaciji i pridruživanju.